



16. oktober 2012

Inatsisartut suleriaasianni § 37 imm. 1 naapertorlugu Naalakkersuisunut apeqqutit imaattut matumuuna saqqummiuppakka:

- 1. Aatsitassarsiorniat kikkunukua nunatsinni SIK-ip akissaataanik minnerusunik akissarsiaqartitsisoqarsinnaanngippat suliniussuarnik angisuunik piviusunngortsitsisinnaanatik Naalakkersuisunut oqariartuuteqarsimasut?**
- 2. Erngup nukinganik innaallagissiorfiliorfissami immikkut qaffasissumik ilinniagaqarsimasuunissamik pisariaqartitsiviusunngitsuni sulisorineqartut akissaataat qanoq annertutiginersut aammalu sumut akileraartarnersut Naalakkersuisut ilisimavaat?**
- 3. Aasaanerani umiarsuit nunatta avataaniit aalisakkanik tunitsiviusartut inuttaasa akissaataat qanoq annertutiginersut aammalu sumut akileraartarnersut Naalakkersuisut ilisimavaat?**

Tunngavilersuut:

Naalakkersuisunit ernummatigivarsi suliniussuit angisuut piviusunngunngitsooratarsinnaanerat sulisorineqartussat akissaatissaasa nunatsinni SIK-ip akissaataanit appasinnerussanngippata.

Taamaakkaluartoq London Mining-ip suliniutaanik pisortaasup Xiaogang Hu-ip Sermiatsiami nr. 41-imi oqariartuutigivaa namminneq sulisussatik SIK-ip akissaataanit qaffasinnerusumik akissarsiaqarnissaat naatsorsuutigalugu.

Taamaattumik ilaatigut imminut assortuuttumik oqariartortoqartarnera pissutigalugu paasersunnarpoq aatsitassarsiorfiit kikkut akissaatit pillugit “qimaanissaminnik” oqariartuuteqarsimanersut.

Qaammatini makkunani suliniussuit annertuut aallartisarneqarnissaannut akissaatit annertuumik sammineqarput, ilaatigut piumasarineqarluni suliat assigiit assigiimmik akissaasersorneqarnissaat. Taamatut eqqartuisoqartillugu soqutigilerpara paasissallugu erngup nukinganik innaallagissiorfiliortut immikkut ilisimasaqartuusariaqanngitsut aammalu umiarsuarni nunatta avataaneersunit tunitsivinni inuttaasartut qanoq akissaasersorneqarnersut Naalakkersuisunit ilisimaneqarnersoq aammalu sumut akileraartarnersut.

Malik Berthelsen, Siumut